

Te mahere ā-rohe o Whau 2020

He aronga poto i tā
mātou mahere



Mihi

E nga pītau whakarei o te waka,
e nga rau tītapu o te iwi,
e aku hei māpuna,
e taku iti e taku rahi, koutou kua mahue mai nei
hei toka piringa mōku i te ora,
hei ruruhau i nga hau āwhio o te wā.

E aku whakakai pounamu, e aku māpihi maurea,
kia oho te mauri, kia māriri o koutou wairua,
kia hora te marino,
tēnā koutou katoa.

Tēnei au te noho atu nei i te tihi o Te Pae o te Rangi,
i tīhore a ai te whenua kia kī ake au,
e koe e te hau o te uru te wawā rā,
me te kī mai, e kore au e ora i ngā hau kōtiu,
i āia ai te pūpūtara ki uta.

Nāu nei te tono kia piki ake au
i ngā tai whakatū a Kupe ki Te Waonui a Tiriwa
me te Pae o te Rangi,

Kia titiro whakaroto ahau ki te maunga o Puketōtara,
kei raro e rere ana ko te awa o Waitākere
kei tētahi taha ko Puke Whakataratara,
kei tua ko Te Whau.

Koinei rā te rohe kāinga o Te Au o Te Whenua
me te Kawerau a Maki,
ko rātou nei te whāriki
i āhei ai te nohoa o tēnei moka o te rohe
e tini whāioio kua whakakāinga mai.

Kua kōhatu nei nga paparahi ki te whenua,
i tangata whenuatia ai tātou katoa.

I whaikiko ai te kōrero,
*“Ko te hapori te tauawhi i te taiao,
he mea motuhake, rerenga kē.”*

Kia hiwa rā, kia hiwa rā.

Kei tēnei puka te whakarāpopotohanga o te Mahere Poari ā-Rohe. Toro atu ki te paetukutuku o Te Kaunihera o Tāmaki Makaurau, www.aucklandcouncil.govt.nz mō te roanga ake o te mahere.

He kōrero nō te Heamana

Ngā mihi nui ki a koutou katoa

He pai te rohe o Te Whau hei wāhi noho, hei wāhi mahi, hei wāhi ngahau, ā, kei tēnei mahere te rautaki kia pai kē atu. Ko tātou te tatau ki te uru, ā, he tuakiri, he tukuihotanga motuhake tō tātou. Ko Te Whau te tōanga waka mō te iwi Māori e haere ana, ki/mai i te tauranga o Manukau ki te tauranga o Waitematā . I ngā tau o muri, i huri tō tātou rohe hei pokapū ahumahi kōmiri uku, ā, i tēnei rā he hapori toi e whanake ana, he hui ahurea kanorau huhua e kawea ana. Kei te mihi atu ki te tini i whai wāhi atu ki tō tātou tuakiri motuhake me te tini e whakaatu ana i taua tuakiri motuhake. He wāhi nui tō te Māori - ōna kōrero tuku iho, tōna Māoritanga - ki ngā whiringa o Te Whau, ā, he whakahirahira kia whakamātāmuangia ngā wawata o te iwi Māori.

Ko tō tātou tuakiri he mea taketake i ūtātou iwi kanorau. Nā ngā āhuatanga o te wā i kitea ai te whakahirahira o ngā hapori kaha, hapori māia, hapori whai whanaungatanga. E hiahia ana mātou ki te whakatō i te māia ki te whatumanawa o ngā takiwā ka tahi, ki te whakamārō i ngā herenga tangata o te hunga nō konei ka rua.

Hei tatau ki te uru, kei tēnei takiwā te tūhonotanga o ngā ara ki te uru, ki te tonga me te tāone matua o Tāmaki Makaurau, ā, e arotahi ana mātou ki te whakapakaritanga o ēnei tūhonotanga kia maha ake ngā tāngata e whakamahi ana i ēnei tūhonotanga ki te haere mā raro, mā runga paihikara, mā runga waka matawhānui. E tino mārō ana tō mātou wawata ki te whakawhanake i te ara Te Whau me ērā atu ararua.

Nā runga i te pikinga o tō tātou taupori, e aro ana mātou ki te whakatūnga o ngā whare me ngā papa whenua i wawatatia ai e koe, pēnei i ngā whare ngahau, ngā whenua mārakerake me ngā pokapū tāone hīkaka, ātaahua hoki. Nā te pikinga o te maha o ngā tāngata, ka akiaki tonutia e mātou te Auckland Council Governing Body ki te tuku pūtea haumi mai ki te hangahanga.

I rongo mātou i tō āwangawanga ki ngā raru āhuarangi me te pānga ki tō tātou taiao. Ka kōkirihi ngā mahi hei tāpiri atu ki ngā mahi kua oti kē i tērā atu mahere poari ā-rohe. Ka nui noa atu te manaaki me te whakatika i ngā arawai, ngā rākau, ngā ngahere i te tāone, ā, ka whakareri i te rohe o Te Whau ki te kaupare i ngā raru āhuarangi.

Nā ngā raru o te MATE-KORONA me ngā taumaha ā-ōhangā i hua mai, he mahere whai wawata tēnei. Nā te kore mōhio ki te taha pūtea me te arotahi o ngā kāwana ā-rohe ki te raupapa o ngā kaupapa hei pīkau, ko te pae-tata mō te Poari ā-Rohe o Te Whau ko te kawe

i ngā ratonga matua. Heoi, hei ngā toru tau kei mua i te aroaro ko te tūmanako ka tīmata ki te whakaea i ngā wawata whānui o te mahere.

Hei mema o te poari ā-rohe, nei rā te mihi ki a koe i whakahoki kōrero mai e pā ana ki tēnei mahere. Hei ngā toru tau kei mua i te aroaro ko te wawata kia mahi tahi tonu ai tātou kia hīkaka tonu te tangata ki te noho, ki te mahi, ki te whakangahau hoki ki te rohe o Te Whau.

Ngā manaakitanga

A handwritten signature in cursive script, reading "Kay M Thomas". The signature is fluid and personal, with distinct loops and strokes.

Kay Thomas, Heamana

Te Poari ā-rohe o Te Whau

He whakarāpopotohanga o ngā kaupapa matua o te mahere

Whakaotinga tahi: He hapori kaha, aumangea, manaaki hoki kei reira te tuakiri ā-rohe, te kanorau, me te auahatanga e atawhaitia ana

Ko tō mātou wawata - kia rongo ngā tāngata katoa i te manaakitanga ki Te Whau, kia whai wāhi ngā tāngata katoa e noho ana, e mahi ana, e ngahau ana ki te hapori o Te Whau.

Whakaotinga rua: Ka kōkirihiia, ka whakaarotautia ngā tūmanako Māori, ā, ka uaratia, ka whakaaturia ki ō tatou wāhi hapori te hītori me te tuakiri Māori

E whakanui ana a Te Whau i tōna Māoritanga, tōna ahurea Māori me ūna tāngata Māori, ā, e kaha tautoko ana i te hapori Māori ki te whakatinana i ūna wawata.

Whakaotinga toru: Te whakawhanaketanga ā-tāone me ngā ratonga hapori kounga e hāngai ana ki ngā hiahia o tō tātou taupori e tipu ana, e huri haere ana

He kōwhiringa kāinga papai, he hangahanga tino pai kia ea ai ngā wawata o ngā hapori e whanake ana i Te Whau.

Whakaotinga whā: He āheinga pai ake, whānui ake mō te hīkoi, te eke pahikara me te ikiiki tūmatanui

Ka taea e ngā tāngata katoa o te hapori te haere marutau atu mā ngā ara tūhono ki ūtātou takiwā, pokapū tāone, papa tākaro, wāhi mārakerake, whare kaunihera hoki.

Whakaotinga rima: Ka tiakina tō tātou taiao, ā, ka whakahaumakotia

He taonga te taiao, ā, kei te mātāmua o ngā whakaaro hoki i ngā whakataunga o te poari ā-rohe.

Whakaotinga ono: He pokapū tāone taurikura, he ohaoha ā-rohe kaha, he takiwā noho e manaaki ana, e honohono ana

E hīkaka, e whanake ana ūtātou pokapū tāone, takiwā ahumahi hoki, ā, kei ngā takiwā he pokapū toa e tautokona ana e ngā hapori ā-rohe.

Whakarāpopotohangā o ngā take pūtea

Nga whiwhinga pūtea, whakapaunga pūtea, whakapaunga pūtea haumi tōpū o te Poari ā-Rohe o Te Whau mai i te 1 Hōngongoi 2020 ki te 30 Pipiri 2021.

Take Pūtea o te Mahere ā-tau	2020/21 (\$000s)
Whiwhinga moni i ngā mahi whakahaere	
Ratonga hapori ā-rohe	288
Whakarautaki ā-rohe me ngā mahi whakawhanake	-
Ratonga taiao ā-rohe	-
Mahi kāwana ā-rohe	-
Tataunga whiwhinga moni i ngā mahi whakahaere	288
Whakapaunga moni ki ngā mahi whakahaere	
Ratonga hapori ā-rohe	12,830
Whakarautaki ā-rohe me ngā mahi whakawhanake	961
Ratonga taiao ā-rohe	251
Mahi kāwana ā-rohe	1,042
Tataunga whakapaunga moni ki ngā mahi whakahaere	15,084
More whakapaunga moni ki ngā mahi whakahaere	14,796
Whakapaunga moni tōpū	
Ratonga hapori ā-rohe	2,747
Whakarautaki ā-rohe me ngā mahi whakawhanake	-
Ratonga taiao ā-rohe	-
Mahi kāwana ā-rohe	-
Tataunga whakapaunga moni tōpū	2,747

Ngā Mema o te Poari ā-Rohe o Te Whau

	Ngā taipitopito hei toro atu ki ngā mema
	Kay Thomas – Heamana Waea: 021 198 0280 kay.thomas@aucklandcouncil.govt.nz
	Susan Zhu – Heamana Tuarua Waea: 021 546 880 susan.zhu@aucklandcouncil.govt.nz
	Fasitua Amosa Waea: 021 194 4539 fasitua.amosa@aucklandcouncil.govt.nz
	Catherine Farmer Waea: 021 284 2842 catherine.farmer@aucklandcouncil.govt.nz
	Te'eva Matafai Waea: 021 730 182 teeva.matafai@aucklandcouncil.govt.nz

	Ngā taipitopito hei toro atu ki ngā mema
	Warren Piper Waea: 021 198 1389 warren.piper@aucklandcouncil.govt.nz
	Jessica Rose Waea: 0274 773 455 jessica.rose@aucklandcouncil.govt.nz



© 2020 Auckland Council
Auckland Council, Whau Local Board

ISSN 2253-119X (Print)
ISSN 2230-682X (PDF)

Auckland Council disclaims any liability whatsoever in connection with any action taken
in reliance of this document for any error, deficiency, flaw or omission contained in it.